

Gvangjsih Minzcuz Bau

Cawjguen: Gvangsih Bouxcuengh Swcigh Minzcuz Cunghgyau Swvu Veijyenzei Cawjbanh: Gvangsih Minzcuz Bause Geiz neix 8 banj
Aenhauh okbanj: CN45-0036 B.2024 Nd.3 Ng.13 Liggaeuq gyapsaenz nienz ndwenngleih coseiq Geizsoq: Gungh daih 3613 geiz

Gaiq Cibseiq Daengx Guek Yinzda Baez Hoih Daihngeih Youq Baekging Hai Sat

Sinhvazse Baekging 3 nyied 11 hauh dien Gaiq Cibseiq Daengx Guek Yinzminz Daihyauj Daihhoih Baez Hoih Daihngeih guh sat gak hangh yicwngz le, 11 hauh gvaqrngz youq Baekging Yinzminz Daveidangz hai sat. Daihhoih baecinj cwngfuj gunghcoz baugau, Daengx Guek Yinzda Cangzveijvei gunghcoz baugau daengj. Daihhoih doenggvaq Gozvuyen cujczfaz coihdingh moq de, guekgua cujsiz Siz Ginbingz ciem daih 21 hauh cujsizling goengbough okdaeuj.

Aen hoih youz daihhoih cujsizdonz cangzvu cujsiz, caephengz cujsiz Cau Lozci cujcz. Daihhoih cujsizdonz cangzvu cujsiz, caephengz cujsiz Lij Hungzcungh, Vangz Dunghmingz, Siuh Gez, Cwng Genbangh, Dingh Cunglij, Hauj Mingzginh, Cai Dazfungh, Hoz Veiz, Vuj Veizvaz, Dez Ningz, Bungz Cinghvaz, Cangh Gingvej, Lozsanghgyanghcunh, Sez-gwzlaizdiz, Cazgwzj, Liuz Giz youq cujsizdaiz diegnaengh caephengz cujsiz naengh.

Siz Ginbingz, Lij Gyangz, Vangz Huningz, Cai Giz, Dingh Sezsiengz, Lij Hih, Hanz Cwng caeuq daihhoih cujsizdonz cwngyenz youq cujsizdaiz naengh.

Aen hoih ginggvaq byaujgez,

doenggvaq le gij gezyi gvendaengz cwngfuj gunghcoz baugau Gaiq Cibseiq Daengx Guek Yinzda Baez Hoih Daihngeih. Gezyi vixok, aen hoih cungfaen haengjdingh gij hong Gozvuyen bi ndeu gvaqbae neix, doengzeiq baugau daezok gij cungjdae iugouz, cwngei aeyiengq caeuq guh hong yinvu bi 2024 ginghci sevei hwngfat, gietdingh baecinj aen baugau neix.

Aen hoih ginggvaq byaujgez, doenggvaq le Gozvuyen cujczfaz coihdingh moq de. Bouh fapldw neix daj ngoenz goengbough hainduj saedhengz.

Aen hoih byaujgez doenggvaq le gij gezyi gvendaengz Daengx Guek Yinzda Cangzveijvei gunghcoz baugau Gaiq Cibseiq Daengx Guek Yinzda Baez Hoih Daihngeih. Gezyi vixok, aen hoih cungfaen haengjdingh gij hong Daengx Guek Yinzda Cangzveijvei bi ndeu gvaqbae neix, doengzeiq baugau daezok gij yinvu bi coglaeng, gietdingh baecinj aen baugau neix.

Aen hoih ginggvaq byaujgez, doenggvaq le gij gezyi gvendaengz Ceiq Sang Yinzminz Fazyen gunghcoz baugau, gij gezyi gvendaengz Ceiq Sang Yinzminz Genjcazyen gunghcoz

baugau Gaiq Cibseiq Daengx Guek Yinzda Baez Hoih Daihngeih, gietdingh baecinj song aen baugau neix.

Riengzlaeng, Cau Lozci gangjavah. De naeuz, Gaiq Cibseiq Daengx Guek Yinzda Baez Hoih Daihngeih guh sat gak hangh yicwngz. Daengxcungq daihyauj caeuq mizgven fuengmienh doengzcaez roengzrengz, aen hoih hai ndaej baenz, comz doxrox, dinghmingz yinvu, giendingh saenqsim, dwg baez daihhoih yaengx sang fangeiz, caen ca caen guh, doxgiet buekguh ndeu.

Cau Lozci vixok, mwh daihhoih, gyoengq daihyauj rap mbaqrapp naek dangj caeuq bouxminz, simcingz cwngei sangjswd, cingsaenz gvaekgvaek ciuq fap guh hong, nyinhcaen saemjngeih gak hangh baugau caeuq yian, aen hoih cwngzgoj cungfaen yienh'ok le gij cawjcieng dangj caeuq gij eiqceiq bouxminz doengjit, yienh'ok le gij ndei yienhda daengx aen gocwngz bouxminz minzcuj caeuq guekgua gaenbonj cwngei cidu.

Cau Lozci naeuz, bineix dwg Cunghvaz Yinzminz Gunghozgoz laebbaenz 75 hopbi, dwg bi gvanhgen guh baenz "cibseiq haj" gviveh moegbiu yinvu. Nyinhcaen doeksaed gak hangh yinvu daihhoih doekdingh de, roengz-

rengz guh baenz daengx bi ginghci sevei hwngfat moegbiu, miz yiyi naek. Raeuz yaek youq baihlaj Dangjuncunghyangh aeu Siz Ginbingz dungzci guh goek de giengiengz lingjdauj, dingjmaenh aeu aen swhsiengj sevei cuji miz daegsaek Cungguek seizdaih moq Siz Ginbingz guh dazyinx, caemhsim caezhoz, gietsim comzrengz, doxgiet buekguh, laemxsim mbouj bienq doicaenh yiengh yendaiva Cungguek. Yaek hengzguh gij hwngfat swhsiengj aeu bouxminz guh goek, hwngfat daengx aen gocwngz bouxminz minzcuj, cungfaen aeueiq gij maqmuengh bouxminz naeuz, gij gingniemh bouxminz cauh, gij gienzleih bouxminz miz, gij cozyung bouxminz guh, gikfat gij yiedcingz caeuq rengzhoengh daengx biengz cauhnieb cauhmoq dajcauh, romcomz gij rengz hung'ak doxgiet buekguh. Yaek gouzcaen guhsaed, caen ca caen guh, gunghoenx hojnanz, maenh guh maenh baenz, roengzrengz haekfug aen dem aen hojnanz, guh baenz gienh dem gienh saedsaeh, guhsat hangh dem hangh yinvu, youq mwh doxgiet buekguh laebdaeb guh baenz gij maqmuengh bouxminz ndaej gvaq ndwenngoenz vuenyungz.

Daengx Guek Cwnghzez Gaiq Cibseiq Baez Hoih Daihngeih Hai Sat

Sinhvazse Baekging 3 nyied 10 hauh dien Cungguek Yinzminz Cwngei Hezsangh Veiyi Gaiq Cibseiq Daengx Guek Veijyenzei Baez Hoih Daihngeih guh sat gak hangh yicwngz, 10 hauh banhaet youq Yinzminz Daveidangz hai sat. Aen hoih iuheuh, yinzminz cwnghzez gak camgya danhvei, gak gaep cujcz caeuq gyoengq cwnghzez veijyen, yaek engqgya gaenjdaet doxgiet youq henz Cunghung Cunghyangh aeu Siz Ginbingz dungzci guh goek de, caemhsim caezhoz, caezgya okrengz ok banhfap, mboujduenh haicauh aen gizmen moq hong yinzminz cwnghzez seizdaih moq. Aen hoih dwg Daengx Guek Cwnghzez cujsiz Vangz Huningz cujcz.

Vangz Huningz mwh gangjavah naeuz, Daengx Guek Cwnghzez Gaiq Cibseiq Baez Hoih Daihngeih dwg baez daihhoih yaengx sang fangeiz, caen ca caen guh, doxgiet buekguh ndeu, comzgiet le naengzliengh cingq, daezsaenq le cing heiq saenz.

Daengxcungq veijyen nyinhcaen hagsib gij cingsaenz gangjavah youqgaen Siz Ginbingz cungjuhgi camgya Minzgaw, Gohgigai, Vanzging Swhyenzgai Veijyen Lenzcujvei daengj, haenqbae yaenglnh cwngfuj gunghcoz baugau caeuq baugau gizyawz, nyinhcaen saemjngeih cwnghzez cangzveijvei gunghcoz baugau caeuq daezanq gunghcoz cingzgyang baugau daengj vwnzgen, gaenxmaenx ok geiqmaeuz, gvangqlangh comz doxrox, aeundaej cwngzgoj yicwng lai raeuh. Daengxcungq veijyen doiq bi ndeu gvaqbae neix Cunghung Cunghyangh aeu Siz Ginbingz dungzci guh goek de doxgiet daiqlingx daengx dangj daengx guek gak cuz bouxminz haenqheiq buekguh, haenqguh baenaj, guh baenz ginghci sevei hwngfat cujau yawhgeiz moegbiu ndeindi, yinxlingx aen ruz hung "hauh Cungguek" dingj rumz roemx langh, haenqguh baenaj bingzgya gig sang. Daengxcungq veijyen engqgya laegdaeuq roxyiuj daengz

"song aen dinghlaeb" miz gietdingh yiyi hawj raeuz wngqdoiq gak cungj fungyiemj deuqnyex, doicaenh dangj caeuq guekgua saehnieb hwngfat.

Vangz Huningz naeuz, bineix dwg Cunghvaz Yinzminz Gunghozgoz laebbaenz 75 hopbi, hix dwg yinzminz cwnghzez laebbaenz 75 hopbi. 75 bi doxdaeu, ndaej daengz Cungguek Gungcanjdangj lingjdauj, yinzminz cwnghzez gaenxmaenx gyahaeu daengz gij saedguh hungmbwk laebbaenz Cungguek moq, hwnqguh Cungguek moq, damqra roen gajgwz, saedyienh aen loqsiengj Cungguek, byaij gvaq le gij ginglig ronghlwenq. Yinzminz cwnghzez aeu dingjmaenh aen swhsiengj sevei cuji miz daegsaek Cungguek seizdaih moq guh dazyinx, lai hag lai rox gij swhsiengj youqgaen gvendaengz gyagiengz caeuq gajndeih hong yinzminz cwnghzez Siz Ginbingz cungjuhgi, dingjmaenh aen giekdiuh goek guhhong ndaw onj baenaj, dingjmaenh dangj lingjdauj, doengjit camhsienq, hezsangh minzcuj giethab

ndeindi, dingjmaenh doxgiet caeuq minzcuj song aen cawjdae hung, fatyienz cienzdoengj gij ndei, geiqmaenh mbaqrapp cwngei, daezsang cwngei hezsangh, minzcuj gamduk, canhcwng yicwng suiijingz, itloh youq laj dangj caeuq guekgua guhhong daihbuenz maeuzveh caeuq bae guh hong, gaenjdaet hopheux doicaenh yiengh yendaiva Cungguek bae guh hong bonjfaenh, gietsim caezhoz. Aeu daezsang diegndwn cwngei, aeu dingjmaenh Cungguek Gungcanjdangj cienzmienh lingjdauj guh daengz ndawgyang hong cwnghzez, youq saedsaeh hengzdoengh yienh okdaeuj, doxgiet dazyinx gak dangjbai donzdij, gak cuz gak gyaiq bouxvunz camgya yinzminz cwnghzez laemxsim mbouj bienq dingq dangj gangj, riengz dangj byaij. Aeu comzrengz bae guh yinvu naek, baengh okmaeuz ndei bae bangdoi yiengh yendaiva Cungguek. Aeu dingjmaenh daihdoxgiet daihlienhab, gietsim caezhoz doicaenh yiengh yendaiva Cungguek.